



Universitätsbibliothek Paderborn

**Commentaria Vetustissima & profundissima Super
Canticvm Canticorvm Salomonis Qvod Hebraice Dicitvr
Sirhasirim**

Wolbero <de Sancto Pantaleone>

Coloniae Agrippinae, 1630

Versus VII. Adiuro vos filiae Ierusalem, per capreas ceruosque camporum
ne sucitetis neqe euigilare faciatis dilectam, quoadusque ipsa velit.

urn:nbn:de:hbz:466:1-10027

96 In Canticum Cantorum Salomonis

Domini, Cantici illius dulcissimi,
q̄ canit virtutū fidibus vita honesta, sancta, Deo placens & perfecta.

Nulla quippe ibi est dissonantia inter carnem & spiritum, quia tam concorditer succinit caro spiritui ut perfecetam construant harmoniam spiritualis cantici, quod est in loco peregrinationis nostrae optimum genus cantici diuini. Sed i-

Quid sit terra aliena.

2. do.

stud *Canticum* non potest cantari in terra aliena, hoc est in corpore subdito peccatis; quod tunc est *terra aliena*, quando peccando existens in potestate diaboli indignum est habitatione Christi; siue à nobis tunc alienatur, quando spiritui & mentis rationi male agens reluctatur.

Aliena est terra homo terrena semper diligendo, & ob hoc alienus à Deo, atque ideo impotens cantare canticum Domini, quia animalis homo non percipit quae sunt spiritus Dei.

Sed quorum ista? Ad hoc plane ut ostendam vobis sanctissimae sorores supra vires meas esse hoc quod mihi iniunxitis officium, quia dum nihil aut parum aptus sim cantare *Canticum Domini*, longe minus aptus ero cantare *Canticum Domini Cantorum*. Huiusmodi enim materia debet esse Oratorum eloquenter & sapienter declamatum, quorum est officium dicere apposite ad persuadendum, finis vero persuadere dictione. Sed cum in meis neque sapientia neque eloquentia, cui deest officium apposite dicendi, minus profecto adest fi-

*Officium
Oratorum
dicere appo-
site ad per-
suadendum,
finis vero
persuadere
dictione.*

nis dictione persuadendi. Tunc enim vobis utiliter scriberem si ea quae dico vel dicturus sum, ita apposite diceré, ut vobis ad vitæ honestatem & animæ utilitatem persuadere possem. Nam *terra mea aliena est*, repugnans spiritui seruiens Domino peccati, atque ideo non sum idoneus in eâ cantare *Canticum Domini*, quanto minus *Cantica Cantorum*. Sed ut quidam dicit, liceat *Lucanus*. *sperare timenti*, ut qui præ paruitate sensus mei tam sublimem materiam timeo prosequi, sperem tamen per orationes vestras ad ea quae cœpi exequenda pro diuinitatis respectu adiuuari.

VERSUS VII.

Adiuro vos filiae Ierusalem, per capreas ceruosque camporum ne suscitetis neq; euigilare faciatis dilectam, quo adusque ipsa velit.

Igitur dilectus dilectus delectatus dormitione, cuius capiti id est menti sinistram suam, hoc est temporalem utilitatem subposuerat, dextra vero sua hoc est æternæ vitae dilectione amplexatus fuerat, taliter filias Ierusalem, hoc est animas fideles alloquitur dicens: *Adiuro vos filiae Ierusalem per capreas ceruosque camporum ne suscitetis, neque euigilare faciatis dilectam quoniam q; ipsa velit.*

Quae est ista tam suavis tamque salubris dormitio, ut propter eam talis fiat dilecti adiuratio? Nōne illo est in qua dulci & optabili quiete dilecta requiesces supra dixerat, leua eius sub aperte meo & dextera illi' amplexabitur me Omnia

Omnia enim temporalia postposuerat, æternalia verò & indeficientia bona illo contemplatorio concupisibilis animæ oculo intendebat, & in hac desiderabili mentis visione delectabiliter quasi dormiebat. Nō enim potest leuiter huiusmodi prouenire dormitio in mente iam omnibus curis exoccupata, & magna sibi quiete in amore Dei constrata. Vnde per Psalmistam monens Dominus, *vacate, inquit, & videte quoniam ego sum Dominus.* Duæ istæ dictiones in hoc proposito sūt inseparabiles, quia nequaquam poterit quispiam intimæ contemplationis oculo Deitatis essentiam videre, nisi prius studuerit ab omni exteriori impedimento vacare: Præmisso ergo *vacate* subdidit *vide-*
te, quatenus insinuet prius vacandum in mente, ab omni mundanarum rerum cogitatione ut inde fiat possibile, quasi clauso in terrenis oculo, perspicaciōri & subtiliori visione in diuinitatis amore dormire.

Non æqualiter adueniens & manens huius dormitionis gratia. Sed cum non sit æqualiter adueniens & manens huius dormitionis gratia, quando constat alium maiori, alium minori contemplationis virtute subleuari: (plus enim Maria Petro vel Iohanne, isti autem plus alio quolibet sancto in diuina profecerunt visione) certum est, diuerso sanctos quoque modo dormitionis huius habere sanctitatem, multiplicem propter quietis disparitatem, ut si quicunque loco

iuxta collatam sibi quietis gratiam, specialem in contemplativa vita habeat dormitionem. Vnde Prophetæ in persona vniuersiūsq; fidelis hoc modo dormientis dicit: *quiescam & considerabo in loco meo:* Ordo dormitionis. ac si patenter dicat. Quia iste est ordo dormitionis ut non liceat prius dormire quam quietem habere; quiescam, hoc est, omnis à me terrenæ sollicitudinis causas auferram, & tunc demum mente ab his dormiendo diuinæ contemplationi adhærebo in loco collatæ mihi specialiter gratiæ. Hoc ergo quocunque modo vel loco dormiente dilecta, adiurantur à dilecto filiæ Ierusalem, *ne suscipient eam neq; euigilare faciant, quo ad ipsa velit.*

Quæ verò sunt filiæ Ierusalem nisi animæ ad supernæ pacis visionem tendentes, sed adhuc præpudente mentis infirmitate minus peruenire valentes?

Quid aut̄ *dilecti est adiurare*, nisi Quid per adiurare
dilecti si-
gnificetur. præceptorum suorum decretali cōscripto obligare? Porro ipsa præcep̄ta quæ sunt, nisi veluti capreæ ceruiq; cāporū ad cœlestia subleuātes, alacresq; & fortes in bono opere fa- cientes, doctrinæ sanctarum scri- pturarum.

Siuē per *capreas & ceruos* intelligere possumus Patres veteri: & noui testamenti quorum ingenia, virutes & studia naturali gestione de- notantur. Quatuor enim naturæ notabilia dicitur habere *Caprea;* Quid per capreas
ceruosque
Camporū.
Quatuor
notabilia
in natura
Capræ. quod cum vulnerata fuerit gustato

N diptam-

diptamno sanatur, quod herbas salubres visus acumine discernit, quod ruminat, quod in montuosis pascitur & semper altiora petit. Et hæc est vita & doctrina Sanctorum, excessus suos humili Confessione sanare, sententias meliores sanctorum scripturarum sensus sui acumine discernere, diuinorum mandatorum cibaria legendo sumere, & tenaci memoriae commendando resumere, de virtutibus ad virtutes profectu quotidiano a surgere.

In Ceruo quoque tria attenduntur naturæ probabilia, quod scilicet serpentem deglutiens potato fonte cum pilis totius corporis omne venenum deponit; quod à canibus agitatus in densissimis syluis viam sibi fugiendi cornibus aperit; quod in mutandis pascuis facto agmine alter alterius dorso capite imposito inuicem propter pondus cornuum sustentantur.

Hæc quoque fidelibus conuenit agere & docere, ut qui aliquo peccati veneno infectus fuerit, ad fontem misericordiæ Christum recurrat, cuius pietatis & gratiæ infusione, possit & illo peccato, & cæteris animi vitijs carere. Si à malignis spiritibus veluti quibusdam canibus in sylvis sæcularium negotiorum, quæ plera sunt peccatis & vitijs, animo agitatur, viam sibi aufugiendi ea faciat forti repulsione spiritus, siue abre-

nuntiatis omnibus huiusmodi occupationibus soli Deo vacare studeat in contemplatiæ vitæ amore, quod est etiam cornibus viâ sibi salutis aperire. Cornu quippe cum de carne nascatur, carnem excedit, & ille qui contemplatiæ vitæ inhæret, quamvis in carne sit, extra carnem tamen mente subleuatur. Infirmitates morum siue corporum studeant inuicem æquanimiter tolerare, & officiosa sibi obsequi charitate; sicut dicit Apostolus, *alter alterius onera portate, & sic Gal. 6. adimplebitis legem Christi.*

Adiurantur ergo à Iesu filio Ierusalem, hoc est obligantur animæ pacem sequi cupientes, per causas ceruosque camporum, hoc est

*Adiurare
Dei est
præceptis
suis obli-
gare.*

per præcepta & documenta sanctorum scripturarum, siue per exempla sanctorum Patrum, ne suscitent neque euigilare faciant dilectam, hoc est ne inquietent à proposito huius intimæ quietis & dormitionis, donec ipsa velit, hoc est, donec ei aspiret ille eius intimus habitator, cui per amorem colligatur ut velit proximorum infirmitati interdum descendere, & eorum necessarijs utilitatibus prouidere. Hoc enim velle in eius cuncta prouidentis est dispositione, qui ei per occultam inspirationem manifestat, quando sit utile & honestum contemplationi inhærente, & quando proximorum necessitatibus prouidere

Natura
Cerui tria
habet no-
tabilia.

Proprieta-
tes Cerui
fideles
quomodo
habere de-
ceat.

dere pro loco & tempore.

Denique huius admirationis talis est vis, qua cōstringuntur filii obedientiæ, ut exhibeant Prælatis suis honestatem reuerentiæ, quia scriptum est, *obedite præpositis vestris, & subiacete eis, ipsi enim per uigilant quasi rationem reddituri pro animabus vestris.* Inde est quod non audent eos suscitare quasi Vicarios Christi officio, sponsas verò sanctæ conversationis studio ne perturbent eos, si compellant eos aliqua sui improbitate, siue importunitate ab interni quietis secreto auelli & frequentius exterioribus occupari. Ipsi quoque subiecti huius admirationis verbum inter se inuicem suscipere debent, ne pia fratrum studia inquietent siue in lectione, siue in oratione, siue in aliquo spirituali officio quam diu eos in hoc detinet diuinitatis inspiratio.

Verūm huius contemplatoriæ dormitionis quietem dilecta semper flagrans, gaudeat se confirmari & defendi tali adiuramento dilecti, & quasi iure non debeat inquietari, securior facta proclamat:

Vox dilecti mei.

VERSUS VIII.

Vox dilecti mei, ecce iste venit saliens in montibus, transiliens colles.

Vox dilecti
est omnis
Scriptura
sacra.

Vox, inquit, prædictæ admirationis nō est vox alicuius Pro-

phetæ, nō legislatoris, nō doctoris, quasi ex semetipso aliquid annuntiantis vel docentis; sed potius ipsius dilecti, & per se ipsum, & per eos mysteriorum & mandatorum suorum decreta constituentis, quia omnis scriptura dilecti mei vox est spiritu oris eius prolata, & diuinitatis ipsius digito in cordibus nostris descripta. Et idèò hanc vocem non paruipendere debetis filiæ Ierusalem, ut me causa rerum exteriorum suscitetis, & frequentius euigilare cogatis.

Nam hæc est etiā quædam species vocis dilecti, vocis adiurantis, & quasi iuridicalis, *primum quærите regnum Dei & iustitiam eius, & hæc omnia adiçientur vobis,* ut hoc æquum esse debeat ipso dilecto dictante, quatenus Deo adhærentibus necessarius creaturæ consequenter deseruiat usus. Docuit planè & confirmauit proprio ipse dilectus testimonio, quando huius mei cōparem studij, tali extulit præconio, *Maria, inquiens, optimam partem elegit, quæ non afferetur ab ea.* Nempè & hæc est vox dilecti, ut merito hoc meæ dormitionis studium præponere debeā omnium vigilijs negotiorum. Sed quid est, quod ex hac voce dilecti mei, hoc est ex sancta Scriptura audiui & didici, quando per mentis quietem in eius contemplatione dormiui? Istud nimirum quod vobis nunc o filiæ Ierusalem de ipsius dilecti mei virtute narrabo. Ecce iste venit saliens in

Matth. 6.

Luc. 10.

N 2 mon-